



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. CCCVI. De Vastatione territorii Salsenike.

urn:nbn:de:hbz:466:1-11850

dator magnus hujus occultæ traditionis nescius cum multis fratribus & V. millibus pugnatorum profectus est, & dum appropinquaret Castro Garthe, de exploratoribus Regis virum unum senem ceperunt, qui ut mortem evaderet, præmunivit fratres in hunc modum asserens, quod Rex cum magna potentia exercitus sui castra metatus esset circa Gartham, & sic ordinasset quod dum fratres cum media parte Exercitus sui transivissent fluvium Memelæ, ipse cum suis deberet irruere, & ipsos trucidare, & postea aliam partem sequi. Quo audito fratres DEO, qui eos sic misericorditer à tam gravi periculo liberavit, gratias referenter in columnes ad propria sunt reversi.

CAP. CCCVI.

De

Vastatione territorii Salsenike.

Eodem anno idem frater Henricus Commendator Magnus & ECL. fratres cum valido Exercitu & duobus millibus peditum direxerunt viam suam versus Lethovviam & territorium dictum Salsenikam ubi nunquam visus fuit Exercitus Christianorum, & dum appropinquarent Castro Garthe, ceperunt IV. viros exploratores Regis, & occisis tribus IV. interrogatus, dixit: quod de adventu fratrum nullus in terrâ Lethovviæ sciret & ad majorem securitatem addidit, quod eod. die quinquaginta viri essent venturi, qui pro venatione debebant facere indagines Regi suo quos cum fratres interfecissent transiverunt Memelam & relictis circa naves & sarcinos XII. fratribus & duobus millibus peditum intraverunt dictum territorium in die (a) Pootessi & Martiniani vastantes undique per incendium & rapinam & exustis etiam tribus Castris ibi pernoctabant, secuti præter occisos quorum numerum novit Deus solus, fratres cum maxima præda & septingentis captis hominibus recesserunt.

ANIMADVERSI O.

(*) Scrijkovvsky tantum legit : in die Martiniani.

CAP. CCCVII.

De

*Fratre Karolo Mag. Generali & terræ
Prusie An. Dn. MCCCXII.*

Frater Karolus (a) de Treveris Magister Generalis XIII. terræ
autem (b) Pruschiæ Mag. XIX. præfuit ferè annis XIII. Hic
(c) vocatus à sanctissimo Patre ac Domino Joanne XXII. Papa,
stetit cum multis fratribus in curia Romana per annum, & mul-
ta Ordinis ardua expedivit. Lingvam Italicam novit sicut pro-
prium, sine interprede loquebatur coram Papa & Cardinalibus;
adeò affabilis & facundus fuit, quod etiam inimici ejus delecta-
bantur eum audire. Infirmatus fuit in Curia Romana & adeò
debilitatus, quod licet adhuc juvenis esset, reversus ad Almanni-
am post paucos annos in civitate Treverensi apud fratres suos
mortuus & sepultus est.

ANIMADVERSIONES

- (a) Simon Grunovius hunc Karolum appellat Bosphorum, ipsumque
genus à Romanis ab Antonino Caracalla expulsis duxisse refert.
Tract. XI. cap. V. qua verò fide hoc asserat, ipse vident.
- (b) Hæc ita sunt intelligenda. Numerat Dusburgius à Primo Herman-
no de Balken usque ad ultimum Henricum de Plozke septendecim
(quamvis plures numerari possint, ut ex supra notis constat) Ma-
gistros Pruschiæ Provinciales, quos ille Magistros simpliciter sine
ullo addito appellat. Cum verò Sigfridus de Seuchtwangen in
Prussiam sedem suam transferens Henricum de Plozke ex Magi-
stro, Commendatorem magnum creasset, sine dubio Sigfridum
hunc decimum octavum, & ipsius successorem Carolum de Tre-
viris XIX. Magistros Pruschiæ nominat. Hæc itaque clara sunt.
Sed illud dubium movet, quod Nobiliss. Dn. Gottofredus Zame-
lius